

Headline	Krisis haiwan liar, manusia semakin membimbangkan		
MediaTitle	Sinar Harian		
Date	12 Jan 2022	Language	Malay
Circulation	140,000	Readership	420,000
Section	Nasional	Page No	12
ArticleSize	607 cm ²	Journalist	IZWAN ROZLIN
PR Value	RM 38,604		



Orang asli serah
memorandum kepada
Perdana Menteri

Oleh IZWAN ROZLIN

PUTRAJAYA

Krisis haiwan liar, manusia semakin membimbangkan

Krisis antara manusia dan haiwan liar yang semakin memuncak di seluruh kawasan penempatan orang asli di Gua Musang, Kelantan mendorong sekumpulan orang asli menyerahkan memorandum di Pejabat Perdana Menteri di sini pada Selasa.

Wakil orang asli Temiar, Nasir Dollah, 32, berkata, kerajaan perlu mencari jalan pe-

nyelesaian segera dalam memastikan keselamatan orang asli di kawasan itu terjamin.

Menurutnya, beberapa siri kejadian serangan binatang buas termasuk harimau hingga ada yang terkorban di Kampung Sau baru-baru ini boleh berlaku lagi sekiranya kerajaan tidak menghentikan segera kegiatan pembalakan yang didakwa menjadi punca ekosistem haiwan liar itu terganggu.

"Aduan telah dibuat kepada Jabatan Perhilitan Gua Musang, sehingga kini mereka masih gagal menangkap ketiga-tiga ekor harimau yang berkeliaran di kampung-kampung di kawasan pentadbiran Pos Bihai.

"Isu ini berlaku disebabkan tindakan kerajaan negeri Kelantan yang telah meluluskan ribuan kawasan hutan untuk tujuan pembalakan, perladangan dan perlombongan," katanya pada sidang akhbar selepas menyerahkan memorandum pada Selasa.

Difahamkan keadaan semakin meruncing apabila kerajaan negeri turut menyahwartakan kawasan hutan simpan di kawasan Hutan Simpan Perias turut menyumbang kepada isu ini.

Menurut Inventori Harimau Kebangsaan, Hutan Simpan Kekal (HSK) Perias merupakan habitat harimau di Negeri Kelantan.

Mengulas lanjut, Nasir berkata, penduduk kini hidup dalam ketakutan dan tidak dapat meneruskan rutin harian seperti



Nor Mohamad Shafiq menyerahkan memorandum kepada wakil Pejabat Perdana Menteri di Putrajaya pada Selasa.

Kronologi serangan binatang buas di penempatan orang asli di Gua Musang

7 Februari 2017

- Seorang kanak-kanak orang asli dari suku Bateq, Kampung Aring 8 parah dicakar beruang matahari.

19 Disember 2019

- Seorang lelaki orang asli Kampung Sempaded, Pos Belatin parah diserang beruang matahari.

5 Julai 2021

- Seorang lelaki orang asli di Kampung Badak, Pos Bihai parah diserang seekor harimau ketika pergi ke ladang.

7 Januari 2022

- Seorang lelaki orang asli harimau belang tidak jauh dari rumahnya di Kampung Sau, Pos Bihai.



NASIR



NOR MOHAMAD SHAFIQ

matahari.

Selain itu, orang asli pedalaman Gua Musang juga sering berdepan dengan masalah gangguan gajah liar yang masuk ke dalam kebun dan memusnahkan tanaman mereka.

Antara kawasan yang menjadi serangan gajah liar melibatkan enam buah Pos antaranya Pos Pasik, Pos Gob, Pos Simpoh dan Pos Hau yang mempunyai kira-kira 30 buah perkampungan.

Sementara itu, Pengerusi Kampung Kusimpoh, Nor Mohamad Shafiq Dendi Abdullah, 30, berkata, antara tuntutan Komuniti Orang Asli Pedalaman/Ulu Kelantan melalui Jaringan Kampung Orang Asli Kelantan (Jkoak) adalah

menuntut kerajaan membatalkan projek empangan hidroelektrik mega di Sungai Nenggiri yang menjadi habitat hidupan liar.

Katanya, penduduk juga berharap kerajaan dapat menjalankan siasatan terperinci berikutan tragedi serangan harimau yang menyebabkan nyawa penduduk melayang.

"Tiga ekor harimau itu sudah dikesan berkeliaran sejak 10 Disember lalu, malah tindakan pihak Jabatan Perlindungan Hidupan Liar dan Taman Negara (Perhilitan) guna mencuri untuk halau haiwan itu juga tidak menyelesaikan masalah.

"Tindakan sambil lewa seperti itu seolah-olah menunjukkan keselamatan dan nyawa orang asli bukan sesuatu yang penting," ujarnya.